

Tretman COVID-19 pou pasyan ekstèn

Tretman pou COVID-19 lè sentòm yo toujou pa grav ka bese risk pou yon moun devlope COVID-19 grav. Tretman sa yo pèmèt ou reprann ou pi vit epi dezenvite bezwen pou entène lopital. Tretman sa yo disponib nan Mass General Brigham ak [Sit tretman Depatman Sante Piblik Massachusetts](#).

Pasyan ki gen plis risk pou yo malad grav ak COVID-19 elijib. Apeprè 40% nan tout pasyan Mass General Brigham yo gen [kondisyon ki mete yo nan plis risk](#) epi yo elijib.

Tanpri gade anba a pou plis enfòmasyon sou opsyon ki gen pou tretman COVID-19 pou pasyan ki pa entène.

Tretman kont viris (antiviris) pou COVID-19 yo bay pa bouch (Paxlovid)

Ki sa ki tretman kont viris yo bay pa bouch ki rele Paxlovid?

Yo pran tretman oral kont viris pa bouch pou trete sentòm COVID-19 ki minim rive pa twò grav. Administrasyon Manje ak Medikaman (FDA) te bay otorizasyon itilizasyon ijans (EUAs) pou [Paxlovid Pfizer a](#) (grenn nirmatrelvir ak ritonavir). Medikaman sa a ralanti kapasite COVID-19 pou repwodui.

Ki lè yo itilize Paxlovid?

Yo itilize li pou pasyan ki gen sentòm COVID-19. Yo pa itilize li pou pasyan ki te ekspoze a COVID-19 men ki poko trape viris la.

Ki jan yo bay tretman sa a?

Paxlovid se yon grenn yo pran pa bouch. Li disponib sou preskripsyon sèlman.

Ki lè yo ta sipoze bay li?

Yo dwe kòmanse bay Paxlovid nan lespas 5 jou apre sentòm yo te kòmanse.

Èske mwen ka pran Paxlovid si mwen te pran vaksen an epi apre sa mwen te vin trape COVID-19?

Wi. Ni moun ki pran vaksen, ni moun ki poko pran vaksen kapab resevwa tretman kont viris yo pran pa bouch.

Si mwen poko pran vaksen an, èske mwen ka resevwa tretman sa a?

Wi, tretman kont viris sa a ka ede w tou.

Ki efikasite tretman kont viris yo pran pa bouch sa yo?

Nan esè klinik, Paxlovid te bese risk pou yo oblije entène lopital pa apeprè 90%.

Ki moun ki kalifye pou resevwa Paxlovid?

Tretman Paxlovid bon pou pasyan ki gen laj 12 an oswa plis ki:

- Peze omwen 40 kilogram (yon ti kras plis pase 88 liv) AK
- Gen enfeksyon COVID-19 konfime pa tèst antijèn oswa PCR AK
- Gen sentòm COVID-19 AK

- Nan lespas 5 jou apre sentòm yo kòmanse AK
- Gen yon pwoblèm sante ki fè yo gen plis chans pou yo malad grav ak enfeksyon COVID-19.

Paxlovid ka reyaji avèk lòt medikaman. Tanpri di ekip swen sante w la sou tout medikaman ak sipliman w ap pran.

Paxlovid pa ta dwe itilize san diskisyon espesifik ak ekip swen sante ou si ou:

- Ou te fè yon grefaj epi ou bezwen pran tacrolimus, cyclosporine, everolimus oswa sirolimus.
- Ou gen maladi grav nan ren oswa fwa
- Ou dwe pran sèten medikaman antikowagulan (clopidogrel, rivaroxaban oswa lòt).
- Ou ap pran anpil medikaman chimyoterapi
- Ou pran St. John's wort

Gen lòt opsyon egalman efikas pou pasyan ki gen COVID-19 ki pa ka pran Paxlovid. Kontakte ekip swen sante w la pou w konnen ki opsyon ki pi bon pou ou.

Èske Paxlovid chè pou mwen?

Non. Gouvènman ameriken an bay Paxlovid la gratis epi ou ka resevwa li gratis.

Kouman mwen ka jwenn Paxlovid si mwen gen COVID-19?

Si w kwè ou ka kalifye pou tretman, tanpri kontakte founisè swen prensipal oswa espesyalis ou a. Yo ka rekòmande w pou tretman an.

Pou rezidan Massachusetts yo, gen yon pwogram telesante gratis pou jwenn tretman oral Paxlovid. Se Depatman Sante Piblik ki ofri pwogram sa a. Ou ka enskri sou [sit entènèt](#) yo. Orè yo se 8 a.m. a 10 p.m. chak jou. Sèvis yo disponib an [Angle](#), [Panyòl](#), [Kreyòl Ayisyen](#) ak [Pòtigè](#). Ou ka jwenn plis enfòmasyon sou kalifikasyon pou pwogram lan ak pou Paxlovid nan sit entènèt [mass.gov](#).

Remdesivir:

Ki sa ki Remdesivir?

Remdesivir se yon medikaman FDA apwouve ki deranje fason viris COVID-19 la repwodui. Li ka ede moun ki gen COVID-19 refè pi vit epi bese risk pou yo malad grav ak COVID-19. Li kapab itilize tou pou trete pasyan ki entènè lopital, men isit la nou konsantre sou itilizasyon li pou evite entènè lopital. [Gid Tretman COVID-19 NIH](#) yo bay enfòmasyon sou medikaman sa a.

Ki jan yo bay Remdesivir?

Remdesivir se yon enjeksyon yo bay nan venn 3 fwa pa jou. Se pa yon grenn.

Ki lè yo ta dwe bay Remdesivir?

Remdesivir pi efikas lè yo bay li bonè, omwen nan sèt premye jou [sentòm](#) yo. Si kondisyon ou deja amelyore, tretman gendwa pa nesesè.

Èske mwen ka resevwa tretman Remdesivir si mwen te pran vaksen epi apre mwen te vin trape COVID-19?

Ou ka resevwa Remdesivir si ou te pran vaksen kont COVID-19. Ou dwe satisfè kritè kalifikasyon yo.

Si mwen poko pran vaksen an, èske mwen ka resevwa tretman ak Remdesivir?

Ou ka resevwa Remdesivir si ou poko pran vaksen an. Ou dwe satisfè kritè kalifikasyon yo.



Ki efikasite tretman ak Remdesivir?

Yo montre Remdesivir diminye risk pou entèn lopital pa 82% epi ede moun yo refè pi vit.

Ki moun ki ka benefisye de tretman sa a?

Remdesivir bon pou pasyan ki gen laj 12 an oswa plis ki:

- Peze omwen 40 kg AK
- Gen enfeksyon COVID-19 konfime **pa yon tèst antijèn oswa PCR AK**
- Gen sentòm COVID-19 AK
- Nan lespas 7 jou apre sentòm yo kòmanse AK
- Gen yon [kondisyon](#) sante ki fè yo gen plis chans pou yo malad grav ak COVID-19.

Èske Remdesivir chè pou mwen?

Sa depann. Gouvènman ameriken an pa bay Remdesivir gratis ankò epi yo pral faktire frè yo bay asirans ou an. Ou ka oblije peye kopeman oswa dediktib selon asirans ou. Ou ka jwenn Remdesivir gratis nan [sit tretman Depatman Sante Piblik Massachusetts](#).

Kouman m ap ka jwenn Remdesivir si mwen gen COVID-19?

Si ou panse ou ka elijib, tanpri kontakte founisè swen prensipal oswa espesyalis ou a. Yo ka rekòmande w nan tretman an. **Tanpri sonje ke akòz kantite limite, se pa tout pasyan ki rekòmande yo pral kapab resevwa tretman an.**

Pa ale nan yon sant swen ijan oswa sal dijans pou jwenn nenpòt nan tretman sa yo. Yo pa disponib nan lokal sa yo. Gen klinik espesifik ki fèt pou bay tretman sa a.

Yo te rekòmande m nan tretman sa a, kisa k ap pase apre?

Nou gen kantite limite nan Remdesivir. Si ou ka benefisye de tretman sa a, nou pral kontakte w ak enfòmasyon ak enstriksyon. Pou pasyan ki anrejistre nan Patient Gateway a, n ap voye yon mesaj bay Patient Gateway a si nou detèmine ke nou pa ka bay tretman an.

Antikò monoklonal (mAb) – Bebtelovimab:

Ki sa ki antikò monoklonal?

Administrasyon Federal Medikaman (FDA) te bay yon otorizasyon itilizasyon ijans (EUA) pou plizyè antikò monoklonal eksperimantal. Antikò sa yo ka ede sistèm iminitè a (sistèm ki ede kò konbat enfeksyon) reponn pou konbat viris la. [Gid Tretman COVID-19 NIH](#) yo bay enfòmasyon sou medikaman sa yo.

Ki sa ki Bebtelovimab?

Bebtelovimab se sèl antikò monoklonal ki efikas kont yon tip viris COVID-19 ki rele BA.2 Omicron. Yo itilize li pou pasyan ki gen [sentòm COVID-19](#). Bebtelovimab pa sèvi pou pasyan ki te ekspozè a COVID-19 men ki poko trape viris la.

Ki jan yo bay Bebtelovimab la?

Bebtelovimab se yon enjeksyon yo bay nan venn (se pa yon grenn).

Ki lè yo ta dwe bay Bebtelovimab?

Tretman antikò monoklonal pi bon lè yo bay nan premye detwa jou lè [sentòm](#) yo fenk kòmanse. Si sentòm ou yo deja amelyore, tretman gendwa pa nesesè.



Èske mwen ka resevwa tretman antikò monoklonal si mwen te pran vaksen epi apre mwen te vin trape COVID-19?

Ou ka benefisye de tretman antikò monoklonal si ou te pran vaksen kont COVID-19. Ou dwe satisfè kritè kalifikasyon yo.

Si mwen pa te pran vaksen an, èske mwen ka resevwa tretman antikò monoklonal?

Ou ka benefisye de tretman sa a si ou pa te pran vaksen an. Ou dwe satisfè kritè kalifikasyon yo.

Ki efikasite tretman antikò monoklonal?

Yo montre ke tretman antikò monoklonal diminye risk pou pasyan ki gen gwo risk pou COVID-19 grav yo entène lopital lè yo bay li byen bonè nan enfeksyon COVID-19 ki bay sentòm. Esè yo te montre yon abrejman nan risk pou entène lopital ki rive jiska 70% a 90% ak lòt tretman monoklonal konpare ak moun ki pa resevwa tretman monoklonal. Poko gen okenn done sou enpak bebtelovimab sou risk pou moun entène lopital oswa lanmò. Sepandan, tèl laboratwa yo montre ke bebtelovimab efikas kont ni varyant omicron ni tip espesifik ki rele omicron BA.2.

Ki moun ki ka benefisye de tretman sa a?

Tretman Bebtelovimab bon pou pasyan ki gen laj 12 ane oswa plis ki:

- Peze omwen 40 kilogram (yon ti kras plis pase 88 liv) AK
- Fè enfeksyon COVID-19 konfime pa tèl antijèn oswa PCR AK
- Gen sentòm COVID-19 AK
- Nan lespas 7 jou apre sentòm yo kòmanse AK
- Gen yon [kondisyon sante](#) ki fè yo gen plis chans pou malad grav lè yo fè enfeksyon COVID-19.

Èske betelovimab chè pou mwen?

Sa depann. Gouvènman ameriken an bay Betelovimab gratis, men yo ka faktire pri enjeksyon an bay konpanyi asirans ou. Ou ka oblije peye yon kopeman oswa yon dediktib selon asirans ou. Ou ka jwenn bebtelovimab gratis nan [sit tretman Depatman Sante Piblik Massachusetts](#).

Kouman mwen ka jwenn Betelovimab si mwen gen COVID-19?

Tretman sa yo disponib nan sit tretman Mass General Brigham ak Depatman Sante Piblik Massachusetts. Tou de sit yo se opsyon tretman ekselan. Si w panse ou ka elijib pou tretman, tanpri kontakte founisè swen prensipal oswa espesyalis ou a. Yo ka rekòmande w nan tretman an.

Pa ale nan swen ijan oswa sal dijans pou nenpòt nan tretman sa yo. Yo pa disponib nan lokal sa yo. Gen klinik espesifik ki fèt pou bay tretman sa a.

Yo te rekòmande m pou tretman sa a. Kisa k ap pase apre?

Si w ka benefisye de tretman an, n ap kontakte w ak enfòmasyon ak enstriksyon yo. Pou pasyan ki enskri nan Patient Gateway, n ap voye yon mesaj Patient Gateway si nou detèmine ke nou pa ka ofri tretman. Si w poko anrejistre ak Patient Gateway, [ou ka enskri isit la](#).

Si founisè w la te rekòmande w nan lokal tretman Depatman Sante Piblik, w ap resevwa yon apèl si yo ka resevwa w. Kounye a yo pa kontakte pasyan yo oswa Mass General Brigham si yo pa ka trete w.



Evusheld

Ki sa ki Evusheld?

Tixagevimab/Cilgavimab (Evusheld) se yon melanj antikò yo itilize pou anpeche COVID-19 nan moun ki pa kapab byen pwoteje pa vaksinasyon. Administrasyon Federal Medikaman (FDA) te bay yon otorizasyon itilizasyon ijans (EUA) pou Evusheld. Medikaman sa a gen antikò monoklonal ki ka ede sistèm iminitè a reyaji pou konbat viris la. Yo itilize li pou diminye risk enfeksyon COVID-19 nan pasyan ki gen [sistèm iminitè febli](#). Li pa ranplase vaksen an. Li pa itilize tou pou trete enfeksyon COVID-19. Gid [Tretman COVID-19 NIH yo](#) bay enfòmasyon sou medikaman sa a.

Ki jan yo bay Evusheld?

Yo bay Evusheld nan fòm piki. Se pa yon grenn.

Ki moun ki ka resevwa tretman sa a? Evusheld bon pou pasyan ki gen laj 12 an oswa plis ki:

- Peze omwen 40 kg (yon ti kras plis pase 88 liv) AK
- Pa gen yon enfeksyon COVID-19 aktyèlman oswa ekspozisyon denyeman AK
- Yo ajou ak vaksen COVID-19 yo (sòf si gen yon rezon medikal ki anpeche yo pran vaksen, tankou alèji grav) AK
- Gen yon [sistèm iminitè febli](#) epi kidonk li ka gen yon repons iminitè ki pa ase lè yo pran vaksen kont COVID-19

Konbyen fwa yo ta dwe bay Evusheld?

Kounye a, yo rekòmande dezyèm dòz sèlman si ou te deja resevwa yon dòz mwens pwisans (150 mg nan chak antikò) Evusheld. Si ou te resevwa Evusheld anvan 28 fevriye, ou te resevwa dòz mwens pwisans sa a. Ou ta dwe resevwa yon dòz anplis pou ogmante efikasite kont tip Covid-19 ki rele Omicron. Si ou panse ou te resevwa dòz Evusheld mwens pwisans epi ou poko resevwa yon lòt dòz, tanpri kontakte founisè ou.

FDA ap kontwole dire pwoteksyon an epi li gen pou bay rekòmandasyon sou dezyèm dòz konplè anvan ete a.

Èske mwen ka resevwa Evusheld si mwen te pran vaksen an?

Wi. Ou dwe pran vaksen konplè anvan ou resevwa Evusheld. Sonje byen ke Evusheld ta dwe bay omwen 2 semèn apre vaksinasyon an.

Èske mwen ka resevwa Evusheld si mwen pa te pran vaksen an?

Non. Evusheld pa ranplase vaksen kont COVID-19. Li p ap itilize nan moun ki pa vaksinen yo ki espere gen yon repons iminitè sifizan lè yo pran vaksen an. Sèl eksepsyon se si gen yon rezon medikal ki anpeche yo pran vaksen an (pa egzanp: istwa yon reyaksyon alèjik grav ak vaksen COVID-19 la).

Ki efikasite Evusheld?

Yo pa fin konnen efikasite Evusheld nan moun ki gen [sistèm iminitè febli](#). Yo te montre Evusheld diminye risk pou enfeksyon pa 77% nan yon etid sou moun ki gen sistèm iminitè nòmal. Yo kwè Evusheld ap bay pwoteksyon kont tip viris Covid-19 ki rele Omicron BA.2.

Èske mwen bezwen plis pase yon dòz Evusheld?

Yo poko konnen konbyen fwa yo ap bezwen resevwa dòz Evusheld anplis. FDA toujou ap detèmine orè a men li pwobab pral chak 3-6 mwa. Si ou te resevwa Evusheld anvan 28 fevriye 2022, ou ka bezwen resevwa yon dòz anplis pou bay pi bon pwoteksyon kont varyant Omicron la.



Kouman mwen ka resevwa tretman Evusheld la?

Si w panse ou ka elijib, tanpri kontakte founisè swen prensipal oswa espesyalis ou a. Yo ka rekòmande ou resevwa Evusheld.

Tanpri sonje ke Evusheld pa itilize pou tretman COVID-19. Yo itilize li pou diminye risk enfeksyon COVID-19 nan pasyan ki gen [sistèm iminitè feblj](#).

Pa ale nan swen ijan oswa sal dijans pou pou jwenn tretman Evusheld; li pa disponib nan lokal sa yo. Gen klinik espesifik ki fèt pou bay tretman sa a.

Yo te rekòmande m nan tretman sa a, kisa k ap pase apre?

Si w ka benefisyè de tretman, n ap kontakte w ak enfòmasyon ak enstriksyon yo. Pou pasyan ki sou Patient Gateway a, n ap voye yon mesaj Patient Gateway si nou detèmine ke nou pa ka bay tretman an.

Kiyès ki kalifye pou tretman sa yo?

Pou resevwa tretman pou pasyan ekstèn pou COVID-19, ou dwe genyen COVID-19 ki konfime pa yon tès antijèn oswa PCR. Ou dwe genyen tou yon [pwoblèm](#) sante ki rann ou pi fasil pou yon enfeksyon grav COVID-19. Yo bay pasyan yo priyorite pou tretman ki disponib selon risk yo genyen pou yo gen enfeksyon grav COVID-19.

Kondisyon ki gen gwo risk pou COVID-19 grav gen ladan moun k ap sibi tretman kansè, moun k ap pran medikaman pou grefaj aktyèlman, oswa medikaman yo bay pou desann aktivite sistèm iminitè a pou lòt kondisyon. Lòt kondisyon ki gen gwo risk, tankou maladi kwonik nan poumon, ren, oswa fwa, dyabèt, VIH, obezite, ak laj 65 oswa plis, ka mete ou nan plis risk pou gen pi grav sentòm COVID -19 oswa grip la. [Pou aprann plis sou pwoblèm sante ki mete moun nan plis risk, gade sitwèb CDC la.](#)

Aktyalize nan 6/6/2022

